

## Mokanda n̄wa Yoane n̄wa ibale Yoane Maphoo ma etatele

Moto owa koma mokanda mumu kamibangye na nkombo ya «Nkumu». Na maphoo mawoo yo maweninya obokye baanosi baakomele yo babaka bamokumole. Atomaka mokanda me oka Ingomba sonoso sibangye yo: «Mwasi owa olo Nwaphongo na bana be» (Etee ya 1-2).

Kalenza baanosi obokye baphile bophelolu maphoo ma phele, bambe na ba na lozingo (1-6). Kabakyebisa obokye be sabenga mateya maa boole (7-11). Pho ya isokya, kaimole imbanga saamokye yo oka be.

Nde bowakomaka yo o mokanda n̄wa ntubo, o mokanda mumu Yoane kaongye na baanosi baso obokye baingole miyo, bambe na phila sakolo ianola.

### **Maphoo mali o mokanda mumu mango mama:**

- Etee ya 1-3: Maphoo ma etatele
- Etee ya 4-11: Laakolo lozingo, na ikyebisa pho ya mateya maa bole
- Etee ya 12-13: Maphoo ma isokya

### *Ibeya*

<sup>1</sup> Inga, nkumu ya ingomba sa Nwaphongo, nakomele mokanda mumu, iwe nwanwasi owa olo Nwaphongo na bana ba we, baazingye nga phelephela

teli nga mampenza,  
kasi na bato baso baali na zebi sa maphoo ma  
phele,

<sup>2</sup> pho ya maphoo ma phele mali onte ya banga  
emba maa moba na banga bobele:

<sup>3</sup> Le obokye Nwaphongo Ango wa banga na  
Yesu Klisto, Nwana wa Tata, balophe ngolu,  
balookye ngongo, balophe na bose,  
pho tobikye onte ya phele ná lozingo.

<sup>4</sup> Nasepesi na boikye  
iya wene bana ba we batambule o nzela ya  
maphoo malaa,  
ndengye eyawo mobeko njwaa zwa banga na  
Tata.

<sup>5</sup> Emba unwanwa eye, mama, naongye na we  
— siiekomele wawa mobeko munyakune,  
kasi njwazwaka banga tata o etatele —, obokye  
tozingane banga na banga.

<sup>6</sup> Kyeka boli lozingo:  
Totambule o nzela ya mibeko me.

Mena eli mobeko njwa oka bèe tata o etatele,  
pho ya obokye otambule o nzela me.

<sup>7</sup> Pho bakosee baikye banyangwa o mokyisi.  
Tebaanole obokye Yesu Klisto aya na nzoto.  
Yo mona, mokose na motemesi wa Klisto!

<sup>8</sup> Nde kokyefe,  
pho bèe sabungya mbuma ya bitoma ba bèe,  
kasi ozwe eyaakolo mbano.

<sup>9</sup> Moto muso okolobo phunda o boo  
tambe ikala o mateya ma Klisto,  
tali na Nwaphongo.  
Okoikale o mateya,  
iyo ali na ná Tata na ná Nwana.

<sup>10</sup> Bo moto aesi oka b̀̀̀̀  
taikyi yaa na mateya mamana,  
samoyamba  
samba na munyangyela.

<sup>11</sup> Owaamunyangyela  
aanga o bitoma ba moto me biibe.

<sup>12</sup> Nali na maphoo maikye ma iyekomela,  
kasi siki zinga iyekomela na lokasa na maa ma  
mokanda.

Pho naumunya iyaa oka b̀̀̀̀  
na iyaa ewole yango nga mampenza,  
pho banga baso tobe na nkyisa.

<sup>13</sup> Bana ba nkanasa ya we owa olo be, baelongosi.

## **Lobala NT**

### **Lobala: Sangola Eenyakune New Testament**

copyright © 2018 Wycliffe Bible Translators, Inc.

Language: (Lobala)

Contributor: Wycliffe Bible Translators, Inc.

All rights reserved.

2025-05-10

---

PDF generated using Haiola and XeLaTeX on 10 May 2025 from source files dated 10 May 2025

45dc5a8e-f513-5ba3-aad6-e48bd1d5b563